


皇元風雅

一



據中國國家圖書館藏元建  
陽張氏梅溪書院刻本影印  
原書版框高十八·六釐米  
寬十二·八釐米



皇元風雅集引

易嘗輯錄

當代之詩見者往、傳寫蓋亦疲矣咸願鏤梓  
 與同志共之因稍加銓次擇其溫柔敦厚雄深  
 典麗足以歌詠太平之盛或意思閑適辭旨沖  
 澹足以消融貪鄙之心或風刺怨誹而不過於  
 譎或清新俊逸而不汙於靡可以興可以戒者  
 然後存之蓋一約之於義禮之中而不失性情  
 之正庶乎觀風俗考政治者或有取焉是集上  
 自公卿大夫下逮山林閭巷布韋之士言之  
 善者靡所不錄故題之曰

皇元風雅第恨窮鄉寡聞采輯未廣烏能備  
 朝廷之雅而悉四方之風哉姑即其所得者刻  
 而傳之云爾至元三年正月初吉建陽蔣易書  
 於思勉齋



皇元風雅集序

一代之興必有一代詩人以鳴。國家之盛雅頌二南後世蔑以加矣。在漢時則有樂府在魏晉宋時則有選詩。在唐時則有河嶽間氣諸集亦皆鳴之善者也。大抵氣盛者聲宏地廣者風遠德有厚薄功有大小聲音不得而遜焉。士大夫生當其時濡耳染目動諸中而鳴于外亦豈人力之所能為哉。

聖朝混一海寓疆理萬國有三代所無之天則必有三代所未有之詞章。兼以承平百年教化浹洽洋溢發越形于聲歌固宜與生民清廟並傳而陋東西二都矣。今文獻故家與晨星俱泯而鳴于時者復如好音之過耳他人罕得而聞焉。豈不深可惜哉。東陽蔣師文甫始集

本朝諸公之詩凡若干卷名曰皇元風雅。徵子序予讀之見其優游不迫有若古樂府者。烏沖澹自然有若選者。烏音節鏗鏘詞語雄渾。又有若盛唐諸名家者。烏辟如大塊噫氣周旋于扶搖之表而鼓盪乎蒼莽之野。天聲地籟翕然並作清濁高下雖有小大之不同然其得于所感

則一也嗚呼盛矣哉我

朝之詞章也因一代之詞章而知一代之盛治  
則此編豈小補哉雖然達而在上鳴于朝廷者  
其詩易以傳窮而在下鳴於山澤者徃々不可  
得而見此十五國風所以難備也予在京見宋  
御史顯夫集詩二十年得百十家欲刊諸湖廣  
猶日延四方之士而采之惟恐滄海之有遺珠  
也不知今已鋟梓否耶師文有志於是安得并  
求而刻之以備一代之盛觀云至元四年戊寅  
閏月丁未應奉翰林文字文林郎同知制誥兼  
國史院編脩官黃清老序

皇元風雅序

夫欲觀於國家聲文之盛莫近於詩矣黷而求焉是為得之昔者延陵季子見詩與樂於中國心會意識如身在其時而親見其人蓋以此耳梁昭明著文選其詩不必出於一時之作一人之手徒以文辭之善惟意所取而已然數百年間篇籍散軼幸有此可觀焉而衰陋之習或取此以為學則已微矣河汾君子有意於續經漢魏之詩殆必有取焉而其書不傳蓋非偶然也抑嘗聞之詩三百一言以蔽之曰思無邪又曰王者之迹熄而詩亡然後春秋作邵子亦曰自從刪後更無詩蓋知聖人之意耳昔者盛時學道之君子德業盛大發為歌詩光著深遠其小人蒙被德澤風行州偃變化融液莫或間焉此所以一言可蔽之曰思無邪也此所以王者之迹熄而後詩亡也此所以刪後之無詩也國朝之初故金進士太原元好問著中州集于野史之序蓋傷夫百十年間中州板蕩人物凋謝文章不槩見於世姑因錄詩傳其人之梗槩君子固有深閔其心矣我

國家奄有萬方三光五嶽之氣全太古醇厚之風立異人間出文物粲然雖古昔何以加焉是以好事君子多所采拾于文章以為一代之偉觀者矣然而山林之士或不足以盡見之百年以來詩文之輯錄蓋多有之然雖多或不足以盡其文或約而不足以盡其意亦其執然也監察御史前進士宋鑿顯夫在史館多暇其所會粹開國以來辭章之善多至數十大編自草野之所傳誦亦皆載焉庶幾可以為博而傳寫之難四方又有不得盡見之病矣建陽蔣易師文著

皇元風雅三十卷而以保定劉靜修先生為之首許文正公繼之終之以雜編三卷庶乎其有意焉若劉先生之高識卓行誠為中州諸君子之冠而許公佐世祖成治道儒者之功其可誣哉若師文者其可与言詩也夫十卷以上諸賢皆已去世而全集尚有可攷如臨川吳先生之經學具有成書其見於詩者泰山一豪芒耳窮鄉晚進尚繇是而推求之乎十一卷以下諸君子布在中外夫君子之為學苟不冝自止則進德何可量哉竊以為未可遽止於斯也至於

僕也蚤持不足之資以應世用老而歸休退求  
其在已者尚慊然其未能也片言隻辭何足以  
廁於諸賢之間哉亟除而去之則區々之幸也  
至元己卯七月三日雍虞集在芝秀亭書



皇元風雅總目

第一卷

劉夢吉

許仲平

第二卷

姚公茂

郝伯常

苟宗道

第三卷

姚端甫

盧處道

周景遠

牟獻之

鮮于伯幾

第四卷

趙子昂

第五卷

楊仲弘

第六卷

范亨父

第七卷

鄧善之

劉聲之

第八卷

袁伯長

吳幼清



戴帥初

袁德平

第九卷

胡汲仲

盧彥威

第十卷

揭希韋

薛宗海

第十一卷

虞伯生

楊紫陽

第十二卷

王繼學

毛靜可

第十三卷

馬伯庸

魯子翬

達兼善

薩天錫

第十四卷

曹子貞

王仁父

王在中

王止善

第十五卷

揭晏碩

元遺山

第十六卷

柳道傳

黃晉卿

第十七卷

黃子肅

甘允從

第十八卷

吳正傳

祝蕃遠

顧淵伯

第十九卷

陳濟民

郭彥高

杜仲梁

陳剛中

陳載之

王玄舉

第二十卷

何得之

許益之

熊勿軒

第二十一卷

文文山

杜清碧

謝疊山

第二十二卷

孫履常

劉師魯

李仲公

王尚志

第二十三卷

何太虛

陳子仁

吳彥輝

李季和

第二十四卷

彭元亮

常仲微

第二十五卷

張仲舉

陳新甫

倪元鎮

曾模遠

第廿六卷

陳節齋

王景初

楊飛卿

吳維申

宋子虛

郭以道

王靜淄

第廿七卷

吳閑閑

黃松瀑

劉湏溪

李坦之

張伯雨

薛玄卿

何潛齋

蘇北溪

第廿八卷 雜編上

宋誠夫

謝敬德

張質夫

元復初

張夢臣

安南國王

宗道傅

于介翁

劉起潛

杜若川

練梅谷

卓元聖

歐陽南陽

張可久

徐威卿

傅景文

龔子敬

杜仲高

林德陽

熊勿軒

戴和禹

鄧牧心

第廿九卷 雜編中

梁貢父

段惟德

劉衡

胡梅畊

宋之才

歐陽元功

易方猷

謝羽皋

陳尚德

方景山

尹仲明

宋季任

韓伯高

陳毅仲

宋顯夫

李道復

八  
卷目

八  
五

王止善

郝守中

楊季

周秋陽

周克善

僧無懷

亡名

鄭資深

張萬里

陳直方

周本心

鄧德良

徐天逸

第三十卷 雜編下

方虎谷

尹仲明

林巖山

劉時中

杜若春

陳茂卿

林德陽

李文遠

李溉之

王寬夫

趙子玉

趙春洲

王伯益

江學庭

鄧蓀壁

張伯遠

王季鴻

黃元鎮

陳梓卿

八

六

易始於懷友軒得觀

當代作者之詩昌平何

得之浦城楊仲弘臨江范德幾永康胡汲仲蜀

郡虞伯生東陽柳道傳臨川何太虛金華黃晉

卿諸藁典麗有則誠可繼盛唐之絕響矣自是

始有意收輯十數年間耳目所得者已若此況

夫館閣之所儲拔聲教之所漸被此蓋未能

十一耳信乎一代之興必有一代之人才烏虜

盛哉

皇元風雅卷之一

贊善大夫容城劉因夢吉

黃金臺

燕山不改色易水無新聲誰知數尺臺中有萬古情區區後世人猶愛黃金名黃金亦何物能為賢重輕德輝照九仞鳳鳥才一鳴伊誰腐鼠弃坐見飢鷹爭周道日東漸二老皆西行養民以致賢王業自此成黃金與山平不救兵縱橫落日下荒臺山水有餘清

仙臺

碣石來海際西南奄全燕中有學仙臺燕平欲

八卷

升天燕平骨已朽遺臺猶相傳雖復生青松歲人摧為烟極目望海波不見三山巔三山巨鰲蓄仙人爨虱然使無不足論信有亦可憐大塊如洪爐金石能久堅天地會有盡何物為神仙空山無笙鶴落日下飢鷹今古非一臺浩歎秋風前

經古城

我行常山尾高城墮吾前按轡覽形勢依一見全燕易水關前襟飛狐連右肩遙想豪傑場撫已漕慨然薪人過我傍一笑如相憐指城前問

古今幾年沉思未及答行歌入蒼烟

西山

西山澹無姿中有羲皇前翻思太古人事業何  
不傳三墳亦何罪去遠成灰烟紛二後來人暮  
死爭朝妍勲名史一冊學術文千篇古人豈不  
然後有無窮年惟餘方寸心天地相後先

泛舟西溪

萬山倒滄浪一葉凌嵯峨嵯峨為飛舞翠影如  
婆娑輕陰散雨足淨綠生圓波人間碧海幻老  
眼青銅磨風雲幾千古辨此兩一蓑溪南有幽  
人鼓棹前山阿烟深渺無處月色浮松蘿

重遊北溪

蒼黃澹野色中樹含清暉林居隱葱蒨晴嵐散  
霏微歸雲有真意鳴禽數天機勝處必深會輕  
觴豈虛揮山泉來何從北望空依二

和擬古

朝遊易水側步上燕臺荒燕王好神仙不見金  
銀堂江山古神器海色圍蒼茫哀哉王風頽日  
化爭奪場救世豈無人貴志歸北邙撫此重長  
歎青山忽軒昂呼酒樂今朝往事置一方適



益相後亦起千載傷

飲山亭

飲人不飲酒千載誰與期  
賴有此山色我杯時  
一樽西郊遠市井林亭對  
山暉主人知愛客  
酒無虛時佳客麟鳳然  
人亦難致之君亭有吾  
山招飲當不辭

采菊畧

天門折翼不再舉袖手四海橫  
流前長星飲汝  
一杯酒畱我萬古羲皇天廟堂  
袞二宋元勳誰  
信東籬有晉臣南山果識悠然  
處不惜寒香持

八二卷

贈君

平昔

平昔襟期鏡屢看而今涉世願  
高年自憐不唾  
青城地共笑仍憂杞國天履影  
無傷猶不忍吹  
蓬雖誤亦當然人閒萬事思空  
徧依舊西園理  
斷編

故人見訪山中

客子畏人常簡出病來庭戶益  
荒蕪多時略闕  
通書問遠路遙慚送藥須埽地  
預占燈燼  
門遙認草亭孤故人知我無供  
給故著看山尉

野夫

西湖

水竇深藏十畝烟  
賣書直欲買漁舡  
數椽破屋已自足  
四海虛名良可憐  
醉後不知清露下  
興來擬共白鷗眠  
瀟溪澗有當年志  
老去而今只愛蓮

次人韻

樂天方識淡中甜  
安土無妨著处粘  
道在市朝皆可隱  
機忘鷗鳥亦無嫌  
幽虛不得山雲度  
樹老慣經秋氣嚴  
世上閑愁渾幾許  
而今青鏡滿

霜髯

銅雀瓦

諸侯負漢已堪憐  
直筆何為亦魏編  
却愛曹瞞臺上瓦  
至今猶屬建安年

朱孝子割股詩卷

救本戕支亦可憐  
粉身爭忍欲崩天  
詩書明日良心在  
應對瘡痕一泫然

讀史評

記錄紛已失真  
語言輕重在詞臣  
若將字論心術  
恐有無邊受屈人

米元章雲烟疊嶂圖

勢咸傳是阿章短屏山影露微茫苦心只辨  
雲烟好不救人呼作米狂

萬壽宮館舍

來時殘雪點征衣落盡庭花尚未歸夢裏不知  
身是病春衫歸路馬如飛

幽人圖

澗響無心和考槃雲容有意近長安野猿窺破  
中宵夢却恐山靈不易謬

溪橋步月圖

八一卷

八斗

山中有幽人獨步溪橋月莫問興如何披曷亦  
清絕

春日

游絲困無力欲起重悠揚芳艸落花滿相思春  
晝長

史處士挽章

平昔未相識幾回曾寄聲今朝聞謝世便有效  
人情

放歌

莫道人生朕幾何金銀觀闕亦無多垂楊流水

山到處是行窩九原喚起先夫老我舉一杯君  
試歌

會飲北山

相逢相飲莫相違往事紛二何足悲別後幾經  
滄海淺歸來豈止昔人非北山變滅終如我必  
會登臨知與誰今古區二等如此不須辛苦  
斜暉

先生天資卓軼早歲讀書屬文落筆驚人  
皇元平江南其畧籍悉載以來先生獨取文公  
書會粹而甄別之涵浸義理充廣學問故  
其文精而深其識宏以正其聲名益大以  
肆時

裕宗方毓德青宮聞其賢至元二十四年以右  
贊善大夫召至京師旋以母老辭去居數  
歲沒以集賢學士召不至三十年卒年四  
十有五延祐中賜謚文靖公

名臣事略

訓子

干戈恣爛湯無人救時屯中原竟失鹿滄海飛  
 飛塵我自揣何能能存亂後身遺芳藉遠祖  
 理出先人俯仰意悠然此樂難擬倫家無儋石  
 儲心有天地春況對汝二子豈復知吾貧大見  
 願如古人淳小兒願如古人真生平乃親多苦  
 辛願汝辛苦過乃親身居畎畝思致  
 君身在 朝廷思澤民但願磊落忠信存莫圖  
 苟且功名新斯言殆可書諸紳

一卷

七

有感

嬌兒未成人病苦不肯退憂傷動中懷慘 二心  
 欲碎老妻情更惡中夜泣相對何如早還歸山  
 陽墳壟在平生所願心展轉不得遂十年誤同  
 遊回首只多愧病連肺肝深因覺妻子累悠 二  
 故鄉情滴 二眼中淚孤死知首丘人生戀鄉土  
 我心久焦勞宿疾安能愈所貴還故鄉遺骸近  
 先祖他事足嗟嘆西風動寰宇歸興不可歇歸  
 程待何時悠 二故鄉心一夕千里馳西風動霄  
 漢 二今人悲況我多病身天涯久栖遲交游

義難忘豈忍輕別離重念丘嫂遠嬌兒正愚  
因循死異邑後世將何遺所願經營日及此來  
全衰樹桑墻以下開畦水之湄既得紓困難且  
可為鉉基幼無孝弟稱老無恩澤施唯有近先  
塋一死乃其宜諸君苦留連雅意金蘭期我自  
無遐福形骸變焦萎生平尚求友得友還差池  
中懷起愁歎欲別難為辭試將問吾廬何日當  
西之緩急有擬議行止更無疑作詩叙悃歎為  
報吾親知

別西山

一  
卷

八

大山如蹲龍小山如踞虎烟嵐鬱蒼翠遠近互  
吞吐我來薊門居遨遊成樂土策杖望朝雲卷  
簾看暮雨佳意豁塵腥勝槩入談麈使我鬱陶  
消使我勞瘁愈生平鄙吝心一洗出千古回首  
聲利人何殊坐圜圜遠役非素懷況有跋涉苦  
吟鞭裊東風遲二如去魯芳菲二三月追遊盛  
梅塢歸來願無違一觴期對舉

雜言

花逝香風入短櫺草抽新綠倚柴荆正憂多病  
作身累還喜幽居見物情花為可觀遭天折草

固無用得欣榮世間巧拙都相半不許區區  
力爭

病中有感

十載天涯客寄身今年憔悴不堪聞病來與死  
傳消息老去無家遺子孫故里追遊頻入夢春  
城凝眺獨消魂如何藉我知音力五畝歸耕沁  
北村

樵溪歸隱

果肯歸來學隱淪閑中別有一乾坤可人碧草  
自生意入枕朱絲醒醉魂花滿春風看錦浪水

一

九

明涼月話黃昏此中意趣知多少莫向簪纓取  
次論

觀漲

雨水添新漲陂湖沒舊痕人迷隄口路舡上樹  
頭村歲事知全誤秋耕未可論誰憐徭役外天  
亦恡深恩

喜晴

曉色開晴望春風破客顏綠紆東去水青起社  
來山魏府方期往共城已夢還芳菲梅塢感  
醉竹花間

夜雨

苦雨變秋霖蕭蕭二入夜深亂敲驚兼脫清此  
蟬吟往事十年夢故鄉千里心西風助凄切索  
管客難任

登西城故臺

薰風不解愠涼氣欲生秋往事都成夢離心祇  
自愁蒼黃原上草窸窣水邊丘却憶家山好言  
歸未有由

憶賈君玉

賈君清介士吾輩鮮能群守志王元伯甘貧范

八一卷

八十一

史雲銅臺書廢讀東郡酒方醺何日尋先約青  
燈共夜分

不寐

秋宵多感慨展轉不成眠老況青燈外羈愁白  
髮邊蹉跎嗟往事安穩憶歸年却起開門望霜  
清月滿天

趙氏南莊

曉起北窗涼清談戢羽觴入簾花氣重落地燕  
泥香夢裏青山好吟邊白日長秋風載書籟  
對築茆堂



七月望日思親

思却千思與萬思音容無復見當時  
草窗燈前教蔬圃春深膝下嬉將謂百年供色養  
期一日變生離太山為礪終磨盡此恨綿  
易衰

贈竇先生行

西山二下覓幽村水竹隣居擬卜君豈意天書  
下白屋便收行李入青雲功名准與英賢立得  
失防因去就分萬里風沙渺南土請歸消息幾  
時聞

卷一

十一

莫謝風沙老不禁斯民久已渴商霖願推往古  
明倫學用沃吾君濟世心甫治看將變長治呻  
吟亦復化謳吟千年際會真難得好要先生著  
意深

偶成

屈指年華四十三歸來憔悴百無堪遠懷未得  
尋前遂俗事多因困後諳百畝桑麻負城邑一  
軒松竹對烟嵐紛二世態終休論老作山家

六廿

答董端卿

肝膈掌中堅  
擔穩推高與  
頃連涉世更  
誰如我拙保身  
從昔慕君賢  
青山有約期  
終老白日無  
閑閱舊編  
慚負新詩未  
能謝且容竭  
力趁耕田

謝梁安撫惠田

晚年幽興入  
幽居擬即君  
侯置一區  
今德久思親  
慷慨佳田今  
許乞膏腴  
太行西對千  
峯玉淇水東  
窺万斛珠  
幸著此身於  
此老願從樂  
正五人俱

用行甫韻

八一卷

八十三

蛟龍不肯脫  
淵深鳥雀還  
知宿茂林  
笑我羈孤成  
蹇二于今  
衰老復駸二  
困來未易  
追前事  
病久猶當屈  
壯心聞道西  
溪田可得安  
栖從此有佳音

贈李生

防病須防未  
病時病臨休  
恃藥能鑿寸  
瘡潰処全身死  
一息差來五  
歲危禁盜更  
知先禁博存  
毛未必勝存  
皮万般補養  
終成偽只有  
操心是要規

耶律祭酒撰考歲略云先生幼有異稟十餘

志有道士歟門謂其父母曰此兒骨清  
神全目光射人苟非名冠天下即當神遊八  
表人間富貴不足道耳但兩顴頗暗清節有  
餘而安逸不足先生三易師兵起三師皆遇  
難無浚歲時設位祭之終身壬寅歲先生聞  
雪齋傳伊洛之學於南士趙仁甫即詣蘇門  
訪求之得伊川易傳晦菴四書小學等書一  
一手寫以還謂學者曰昔所接受殊孟浪也  
中統元年應召北上二年授太子太保力辭  
改國子祭酒九月以疾歸至元六年奉

詔議定官制七年拜中書左丞八年改集賢大  
學士兼國子祭酒先生以蒙古生質樸未散  
性貴涵養乃奏召舊弟子散居四方若姚燧  
等十數人為伴讀欲以薰陶成德也十年請  
告還葬上命衆議其去留雪齋云先生出知  
關時世之汚隆自處審矣我輩不可強之即  
合辭奏宜賜允從十三年召改脩曆事十七  
年曆成乞歸十八年薨年七十三皇慶二年  
詔與宋儒周程張邵司馬朱張呂九人從祀  
夫子廟庭

皇元風雅卷之二 學士承旨柳城姬樞公茂

題秣國夫人夜遊圖

宴安懷鴆毒蕩佚國將亡緬思天寶載聲色迷  
君王朝政出多門十九分權綱其誰堪炙手秦  
掃連諸楊扳附勢莫比所冀保樹房宮中陪宴  
樂晝短疑夜長重為長夜遊細馬馱寶裝胡不  
秉明燭冥行撤禮防一從此風熾野鹿踰宮牆  
五岳出洛泆四海同慘傷維時所貴顯赤族亦  
罹殃馬嵬脂粉暗岷山涕泗滂明年雖幸還大  
海翻田桑山河增慘澹日月銷精光問民瘡痍  
中哭廟煨燼傷女寵禍何酷百悔不一償在莒  
豈足擬于茲不可忘

被顧問題張萱畫明皇擊毆按樂圖

阿萱五季名畫師尤工粉墨含春姿君王遊蕩  
墮聲色不知聲色傾人國開元無逸致太平天  
寶奢風生五兵偃月堂近幽薊遠潛謀不入夫  
容苑咸陽行色馬嵬塵萱筆雖工恐未真四海  
蒼生半魚肉歸來豈為香囊哭一日重開日月  
光黃金却鑄郭汾陽

郭伯常

侍讀學士克國信使陵川郭

儀真館中雜題九首

心事悠<sub>二</sub>逐去鴻夢魂渺<sub>二</sub>入西風無邊木葉  
驚窮恨一夜秋容滿鏡中  
鞍馬忽<sub>二</sub>改館來夫容開罷海棠開梁間笑殺  
新來燕去了重来尚未回  
花落深庭日正長蜂何撩亂蝶何忙匡床不下  
凝塵滿消盡年光一炷香  
三年獨酌楚江濱醉裏乾坤夢裏身周顛近來  
添一斗坐中不見洛陽人

二卷

持節江頭久食魚館人供雁意踟躕呼兒細看  
雲間足恐有中原問訊書

黑風吹雨過江來日擁雲頭不放開忽作奇峯  
如華岳半天金碧晚崔嵬

狂花野蔓滿踈籬恨殺絲瓜結子稀獨立無言  
解蛛網放他胡蝶一雙飛

只見星簾挂月鉤銀河依舊隔牽牛遙憐玉雪  
佳兒女淚滿西風乞巧樓

重圍雨久塌莓苔火鋪喧呼著棘栽唯有東風  
難禁約隔窗吹過落花來

和陶形神影三首

萬象生道區受形各有時運會迭來往寢揚誠  
壞之妙合我初疑爾亦即在茲隱見陰陽中幻  
化無了期寤寐一生死辨然匪為思我勞為有  
此爾苦勿涕洟請看聲與響相隨復何疑大都  
本無有相贈徒費辭

右形贈影

靜陰乃道影範圍無巧拙大車轉通達轍跡豈  
能絕妍醜君固有隨君非慕悅日月相代明焉  
能與君別思君不如我君沒我不滅生死無  
損得失豈內熱因物不逐物原

二靡衰竭君

復隨我茲時見優劣

右影答形

出入生死間妙物不自著物二非為物超然變  
新故二子一醯鷄羊膺相胥附成壞不在已安  
用相告語元陽初化時靜一是好處在二靡方  
所悠二無定住陶老信達者得失委命數全神  
乃遺形種秫修釀具一醉樂有餘陶然忘毀譽  
醉夢曾弗辨町畦都削去既不將不迎亦何憂  
何懼能逸世上名豈有身後慮

右神釋

居庸行

驚風吹沙暮天黃死焰燎日橫天狼嶮三鐵  
六十里塞口一噴來冰霜導騎局脊街尾前  
車轆二半側箱彈箏峽道水復凍居庸關頭  
羊腸橫拉恆岱西太行倒卷渤海東扶桑幽都  
却在南口南截斷北陸萬古強當時金源帝中  
華建瓴形勢臨八方誰知末年亂紀綱不使崇  
慶如明昌陰山火起飛蟄龍背負斗極開洪荒  
直將尺筮定天下疋馬到處皆吾疆百年一債  
老帝寔室怒市色還猖狂遽今逆血洒玉座六  
宮飲泣无天王清夷門折黑風吼賊臣一夜掣  
鎖降北王浞裏骨成山官軍城上不敢望更獻  
監牧四十萬舉國南渡尤倉皇中原無人不足  
取高歌曳落婦帝鄉但留一旅時往來不過數  
歲終滅亡潼關不守國無門便作龜茲能久長  
汴梁無用築子城試看昌州三道墻

巴陵女子行

巴未秋九月

王師渡江大帥拔都自鄂渚以一軍覘上流  
遂圍岳二潰入於洞庭俘其遺民以婦節  
巴陵女子誓不辱于兵書詩衣帛見意外

而死其自序曰巴陵女子韓希孟魏公五  
孫婦於尚書賈公之男瓊岳州破被虜之明  
目以衣帛書詩願好事君子知吾宋家有守  
節者其詩悲婉激切有漢魏歌謠風氣如天  
果曠中原太妣裂冠衿我本瑚璉器安肯作  
溺血借此清江水葬我全首領皇天如有知  
定許血面請願魂化精衛填海使成嶺殆數  
百言辭意壯烈有古義士未到者余既高希  
孟之節且悲其志作巴陵女子行

北來諸軍飛渡江突騎一夜滿岳陽樓頭火起

入閭巷曹伍偶走如牛羊巴陵女子尚書婦生  
平不識門前路亂兵駢出勢窘黃夫壻翁姑在  
何處吞聲掩淚行且啼二痕沾濕越羅衣此身  
忍使人再辱裂帛暗寫臨終詩上言社稷安危  
事下說投江誓天志一回婉轉一悲辛心折塊  
飛不成字詩成淚盡赴江流蛾眉蕭颯天為愁  
芙蓉零亂入秋水玉骨直葬青海頭古來烈婦  
才一二誰似巴陵更文理名與長江千古流丞  
相魏公還不死

封松行



西移周道絕草木盡汗秦兵血泰山  
五株松黛色猶參周日月文武成康雨露深  
百年來養貞節祖龍一旦侈心生阮深不用諸  
儒說千乘萬騎墜山谷檢玉泥金自銘德鬼神  
呵禁不容上震兩凌風力飄蕩人誅未即二天  
誅欲使碎骨千山嶂偶來擇音幸偷生濫爵料  
封重誣謗貞松本自如魯連泰山豈不如林放  
山東赤帝子已生山靈亦已居芒碭秦皇雖云  
幸余亦為私悲君不見湘妃席前風雨夕赭山  
伐木一無遺

二卷

靈泉行

乙卯秋八月及行臺嚴公獵于東山遂會于  
鳳山之靈泉作靈泉行

赤雲夾日騰清輝太陰殺氣纏海電元戎小隊  
數百騎金鑣玉勒紅牙旗長鞭一點陣偃月梢  
馬兩合前山圍查牙折角獲挺鹿糊糝生血禽  
孤羆霜蹄剝落澗石飢燕亂掠秋草飛應弦霹  
靂疊破碎掇拾挂馬皆累二一川錯莫半山赭  
空穴破冢妖狐悲將軍推仁亦中怛弛弓服矢  
取神威力士下馬各數獲從官解劍酌酒鹿山

河懷憺生壯觀乾坤突兀增雄奇  
歸路溯城樓觀重烟霏

湖水來

枯風怒遏長川回兩湖五月生黃埃  
水晶宮碎洲渚出昆明老火飛狂灰  
魚龍錯落半生死乾坤枯槁無雲雷  
海鯨怒抉海眼破濤頭一箭湖水來  
新聲汨入黑壤寒虹矯收蒼霾白鷗靜  
盡波不起澄清無瑕玉鑑開浮光四動  
青雲第倒影半浸黃金臺何當乘興呼  
太白棹歌長入琉璃堆滿舫明月露華  
冷翠綃銀管飛瓊杯

二卷

六七

宿鐵塔寺

西風蕭暮烟濕滿袖青携亂山入  
枯雲黯慘忽蔽空未及黃昏陡昏黑  
行瞑投荒寺宿繫馬塔除劔懸壁中  
庭一塔揭暝色倔強生猗半生澁蟄  
龍雷轟不能蟄怒尾呀天轉張磔須  
臾飛雨過前山密洒凶扉寒浙瀝黃  
塵萬事隨雨來壯懷零落憂思集學  
成書劔兩無用竟作窮途奔走客短  
衣著處逐秋蓬誰信胸中有長策孤  
燈照夜耿不眠紫焰憧動輕碧寤言  
欲問復無言抱膝長吟轉蕭索

太平頂讀秦碑

咸宗太平頂磨崖皆天齊左列則天頌右刻張  
說詳文采與書法不離近代規漢封宛在周觀  
東秦壇夙出絕頂西壇前圓平值中峯突兀上  
有始皇碑年深雨溜百裂餘折作兩峯蹲半規  
面陽數字仍可辨隙縫重銜苔蘚皮中間隱約  
見制可完好可辨唯臣斯拳如斂股直如筋屈  
鉄碾玉秀且竒千年瘦勁益飛動迴視滿山肥  
更癡當時風雨有餘怒豈容夸石獨在茲祇應  
神明愛尤物不肯轟擊常護持昔年韓文曾賦

八二卷

八

岫嶠詩字青石赤皆傳聞湯為咨嗟涕漣而何  
如親登泰山日觀峯光恠特見絳氣纏金虹摩  
挲細讀秦相碑天門高咏來清風乃知山靈不  
相負夜宿天邊不忍去醉倚雲函重回顧

華不注行

崑崙山巔半峯碧海風吹落猶帶濕意氣不欲  
隨群山獨倚青空迥然立平地拔起驚孱顏劍  
氣勁挿青雲間濟南名泉七十二會為一水來  
浸山我來方作鯨川遊玉臺公子邀同舟君山  
嶺嵐洞庭晚小孤滴翠清江秋酒酣興極烟

寒魚龍慘澹回山根少陵不來謫仙死嶼  
欲招其魂二兮不來天亦老元氣崔嵬山自好  
超二絕頂來長風注目東溟望蓬島

懷來醉歌

胡姬蟠頭臉如玉一撒青金腰線綠當門舉酒  
喚客嘗俊入雙眸聳秋鷗白雲亂卷鎖鉄文蠟  
香一噴紅染唇據鞍側輕半淋鬢春風滿面不  
肯嗔繫馬門前折殘柳玉液和林送官酒二十  
五弦粧百瑤一片冰泉落纖手須臾高歌半醉  
顏貂裘護盡不覺寒誰道雪花大如席舉鞭已

八二卷

八九

過千銀山

龍德故宫懷古

國是當時總是非強將商鞅作皋夔莫言天變  
渾無畏不見雷轟黨籍碑

黨錮紛二快老姦敗盟更欲渡燕山當時若使  
無夷禍不在權臣即宦官

苟宗道

國子祭酒保定苟正甫

題申伯福遊山圖

賢聖初用心出處固不苟胡為慕萬鍾胡為弃  
升斗鵬鷃兩逍遙夷惠各有取丈夫遇明時立  
志期不朽中有幸不幸竊位徒可醜申君闕關  
子繪作山林叟推却簿書業便與麋鹿友不醉  
河陽花擬種彭澤柳堂二胡紫山毅然為倡首  
于今宰杞城欲去尚掣肘未得遂吾初慎勿廢  
官守安知遊山人不是調元手

琴山行

山形取類非一端琴山得名知何年丹楓列植  
如朱弦時有鸞鳳栖其顛秋風颯二鳴飛泉豐  
山霜鍾晝夜懸樾金夏玉聲清圓抑揚起復萬  
籟全雲韶大雅久不傳至音一變義皇前不煩  
繩削皆天然春雷玉磬俱蹄筌姚山山人遯世  
賢心閑體弱志節堅幽居彷彿如龍眠醉吟時  
泛湖海舡超遙宛若蓬壺仙嗟余未解纓組纏  
烟霞痼疾不可痊柰何尚有箏笛緣擬將俚耳  
濯清漣為君重賦思歸篇與山相對期終焉

皇元風雅卷之三 學士承旨洛陽姚燧端甫

寄暢純甫

欲聞真息耗無使梓撞來烽火平時報田疇亂  
後開徒歌王粲賦不直士元才遙憶牛頭寺思  
親日幾回

高厓道中

役二乾坤遠栖二道路頻五年三入蜀十夢九  
歸秦瘡鬼偏凌客山英定笑人無勞問前渡紙  
覺白頭新

舟達黃溪

草木隨寒暑殊方榮悴同葦花兼露白槲葉未  
霜紅日月雙飛鳥江湖一病翁晚來沙嶼上愁  
坐獨書空

畱別和杜紫微韻

身世支離似敗衣有戈難却魯陽暉不知此日  
公車召又復何時野服歸花信正愁風駘蕩麥  
苗還喜雨霏微分携江上休迴首恐見檣烏作  
背飛

癸巳九日

歲暮君山孤棹遊如今盡室石城州明年白髮

棄榆日何地青山萸菊秋客氣已為強弩  
情空遶大刀頭果成問舍求田策未讓元龍百  
尺樓

次韻時中

多君聞道粗知歸雲霧何人識少微爾後驛驢  
終獨步自前鷲鳥不群飛淮南數日將寒食  
裏三春尚臘衣安得鑿坡同給札不妨首着  
朝暉

別王良輔

只聞官罷尚荊州不謂相逢郢水秋如我避賢  
三退舍與君為客一登樓人才妄自金鳴冶世  
事從渠劍刺舟明日分携武昌去應煩南夢到

滄洲

黃門飛鞚圖

太平無有羽書塵局促龍鱗萬里身不著園人  
時騁驚天閑驕悍若為馴

賞花

出門京國事無涯虛擲東風五物華却謝病歸  
催不起故園今見碧桃花

盧疎齋

學士承旨涿郡盧

行農洛西題王居仁山堂春曉

幽人持所見曠然捐世故豈薄軒冕榮正有林  
壑趣興居唯自適早晏常暇豫草芳澤氣春鳥  
鳴嵐光曙巖花抗韶容溪雲澹吾慮畱史敦宿  
好朋遊非外慕招邀具雞黍咲言在農務我來  
忝符竹行田課畊助撫卷懷清風長吟山郭莫  
寄博士蕭徵君維斗

秦中幽勝地乃在終南山磐石負磊二清泉散  
潺二侶二古君子壘二泉石間畱史紛座隅衡

八二采

八二

門晝長關種菊食落英韻芳佩秋蘭道腴德充  
符怡然有餘歡鳴鶴時一來似愛孤雲閑孤雲  
不能飛鳴鶴遂空還澱二桃李艷鬱二松栢寒  
羲和駛春暉歲晏霜露繁感物有深傲懷哉邈  
難攀

載酒訪王敬仲昆季登樓賦詩

得見字

城南有幽人旬浹不獲見駕言寫我憂況懷青  
雲彦寒潭照林廬高樓俯郊甸偶持一觴酒相  
與言笑宴農畝方委積庭柯謝紛紛空山歲年  
晚聊以觀物變此日足可惜携手盡餘曠



席上荅周饒州

美人如修竹日暮何娟：美人如野鶴所貴非  
乘輕遠游豈不佳緇衣為誰賢相別亦云久相  
看已蒼然襟韻尚豪爽尊俎重留連追憶平生  
歡見贈長者言鏗錡咸池奏漾渺渤澥淵我無  
英瓊瑤持以贈君筵為君賦淇奧為君歌芝田

寄徵士韓從善

風雅詔屈宋篆隸開鍾王義精太史筆百世宗  
潮陽予生獨後時志欲罷衆芳不踐道德圃游  
藝徒遑：長嗟竟焉如嚴駕臨康莊朝馳奏漢  
郊暮稅邠魯鄉西州有佳人鼓琴諧咸章鏘鳴  
瓊瑤佩絢粲夫容棠攬衣願從之遠在天一方  
習尚或庶幾高節何可望

郡齋書事兼荅谷左丞

十年皇華使咨度愧清表承命甫為郡慮無理  
人術簡書劇沉迷將迎靡虛日星言入公府短  
髮不遑櫛首夏氣清泚鳥鳴庭樹密跡銷縣永  
晝南風泛瑤瑟退食方息偃卒吏已盈室孤臣  
偶紆組豈不懷曠佚賴有同心人魁然位丞弼  
昭：麟鳳瑞渾：金玉質華械猥稱題高義寘

儔匹矢心報知己言語詎能畢河流衍洪源崧  
高屹青出期公山水間千秋恆若一

題高登封所藏史丞相手帖

登封大夫漢師儒潁水洗出商山須袖携尺素  
照秋碧何年滄海遺神珠三台光氣五雲朶崧  
君朝來亦軒渠龍虎變化風雨散竹花不實悲  
鸛鷓故都喬木今何如劍履上天不可呼長歌  
緇衣渺愁余

題李伯時九歌圖

蒼龍駟車載初陽綠天浮春開八荒連蜷非霧  
儼冠劍四三神君翼東皇桂醕盜冽蘭肴芳楹  
筵巫覡紛披猖瑤琴衫衣杳何許兩妃倚竹臨  
空江野烟嘯翠九疑遠暮雨洒恨湘波涼水夷  
暗投明月璣山鬼夜嘯猿猱悲長歌撫節懷楚  
累遺音疏節知者稀築室賴有佳人期紫壇荷  
屋薜荔帷汀洲聊堪塞杜若怨公子兮悵忘歸  
悵豪恠墨含古色帝頭癡絕公麟癡續騷未成  
今見画忽欲輕舉超無為朝來目送秋雲飛

題見山樓詩卷

營州少年獵城下樓居主人何為者愛觀陳迹

賦和意不與鮮卑鬪馳馬從教遼東無管寧  
政河江吾纓樓頭無時對山色筆端有吸雞  
秋聲到來見畫思遠策慙負團茅舊泉石少堪  
寄我瑤華音蓬萊水淺嵩雲深

題淵明歸去園

留侯晚節從赤松武戾早歲稱臥龍仇秦復漢  
身始終淵明初非避俗翁兩戾大節將無同陽  
秋甲子法王正特筆宛有長沙雄易地灞上祈  
山功王弘何恨奉吾足曾郵能芥平生胸婦素  
種豆南山中斜川只許桃源通門前五柳春漲  
濛濛絮不與江波東環堵蕭然吾未窮北窗儘  
有羲皇風畫圓不盡千古意詩成一咲浮雲空

送介父程中丞之雲南行臺

蕭蕭征馬鳴烈烈驚飈吹聞君遠行邁執法西  
南夷六詔漢始通有唐亦羈縻今雖郡縣豈經  
懷不在茲俗產富金貝吏習為磷緇垢衣可無  
浣直繩誰易持嚴霜自淒厲春陽意何私乘躬  
行所素舉綱植其維坐令蠻風草仰報國士如  
江海客拙二簡書期恨二火別離去

思

嘉平十日訪文伯純遂偕施克剛胡明  
初游眺鰲峯道院飲韋鍊師方丈王敬  
叔繼至分韻賦得山字

蹇子抱私戚無以浣苦顏解組訪詩客息駕依  
松關羽沐所栖處稍出闌闔間丈室俯寒芒芳  
氣雲函閑烟岫列遠郊石瀨鳴清濤覽物海深  
趣觴酌聊循環麻姑逝已久琴高杳難繼不超搖  
世氛遠彷彿仙游還即此悟冲素何必必對蓬山

石鏡精舍

時暇陟林阜聊訪塵外迹禪岩瑩靈輝于茲鑑  
空窳看筍出深樾聽泉憩危石勝心踐已志屢誰  
能憚行役

茅山

馬上微風散薄陰玉笙吹客心花林山中宰相  
杳何許日暮碧峯雞犬音

澗邊瑤草洞中華細水滾春帶碧沙昨夜山中  
酒初熟道人不暇讀南華

竹杪飛亭枕石泉松壇香霧散茶烟鳥聲記得  
夜來雨鹿夢驚回別有天

周景遠

察院御史聊城周馳

季札廟

古人不可及冥晦秉淳德一動成功名喚爛照  
無極季子賢大夫劍佩游上國微乎禮樂意洞  
達有精識迄今二千年欲繼難再得我行故城  
闐寂寞弔遺跡廟古丹雘漫階空苔蘚積翔禽  
集中雷懸網挂虛壁鄉人尚加敬瞻仰自夙昔  
歲時脩饋祀塵土走巫覡吾徒志為學不肖競  
朝夕景慕將何如江海起涓滴

館娃宮

吳中山頗多戢：至莫數靈岩號神秀踞地若  
蒼虎呀然啓坳窪迫窄剌洞戶上騰空濛氣日  
夜為霧雨流傳館娃宮泯沒復何所琴臺耀殘  
照香徑存荒莽當時競繁華至此益淒楚子胥  
名世士樹立智且武殺身慕其君於國竟何補  
哀哉實忠憤金石為消沮丈夫各有志豈意濟  
艱阻夔契亦斯人榮耀映終古

虎丘

茫々句吳墟異阜萃然起諸天作藩屏樹立空  
翠裏人言開闢初涌出自海底至今羅宮室意

与芝闕比夫差暴齊晉繼霸執牛耳金銀固九  
泉燼國用奢侈投身甬東地委弃孰憐已曰思  
人間世踊躍徒為尔蒼茫一長望萬古遽如此  
日莫鍾磬閑且欲談至理

題五王醉歸圖

晉陽首事成功烈卒入宮門流戰血至親骨肉  
忍相殘禍至黃臺那可說讓帝知幾辨珣位履  
霜已戒堅冰至華萼相耀勢使然遂許明皇敦  
友弟當時行樂殊未央賜予無節恩非常出則  
同游入同宴五龍躑躅騰康莊時光鼎々如流  
電虛偽既消誠寔見三子無辜死渭橋太真有  
寵來金殿欲心一縱禍滔天社稷生靈不暇憐  
從此陵夷于五代干戈喪亂過年々

遠觀亭

徐君因仕宦便欲老江南風土知為美人情亦  
粗諳買田收黑黍為圃樹黃柑我有相從意羈  
栖力未堪

結構開青野回環俯翠岑雲留芳樹暗草長  
垣深共愛閑居樂相依歲晚心春醪求善釀過  
日許同斟

遠觀亭上望風物  
志朝餘古寺荆王宅荒墩  
傅居英靈傳草樹冠蓋逐丘墟  
欲問當時事如雲滅太虛

雜興

涼氣潛侵玉女窗  
井梧一葉下銀床  
離情有似東流水  
一夜相思歸夢長

聊攝城邊樹色秋  
往來長此繫扁舟  
不是故鄉無舊業  
長邀明月醉高樓

楊柳青二麥吐芽  
壺觴來就野人家  
可憐廢井荒畦半  
狼籍東風一逐花

八二卷

八十

上清仙客髯如絲  
自剪青霞作道衣  
幾見桑田變滄海  
不愁函外日光飛

函外簫聲隱二來  
千年空苑碧松開  
相逢正好談風月  
不惜春衣臥綠苔

雲馭霓旌自往還  
天風浩二海波寒  
日輪飛上青山頂  
人道蓬萊咫尺間

花竹垣牆映白沙  
紫清宮殿鎖烟霞  
一條歸路朱弦直  
三百年來不到家

送李伯英

江山天下稀  
尊前休嘆昔人非  
一掃正好

酬春色何事征帆去似飛  
江南才子去遊燕為憶明時正禮賢休向薊門  
尋古跡黃金臺上草連天

懷郭安道

江南江北路茫茫二明月高樓各異鄉  
旅鴈叫雲天似水故人今夜泊瀟湘

徐州

風雨颺二漲碧瀾秋陰漠二失前山舟人也學  
襄王夢長在朝雲暮雨間

思婦

盡日思婦二未能題詩欲寄遠  
遊僧吳松江上鱸魚美何處人家不下罾



陵陽

年獻

九日和陶

驚飈舉落葉意氣何軒軒秋高百卉盡窈窕但  
空園何異富與貴變滅隨雲烟緬懷陶彭澤平  
生極幾研朗詠貧士詩相對如晤言今人之所  
恥古人以為賢

其二

翁媪兩白髮蕭然老江干大兒荆溪遊折腰豈  
為官諸兒走異縣亦各營一食別多會面少難  
淺坐飢寒諸幼且眼前笑語開我顏勿問賢與  
愚懷抱俱相關

八三卷

八三

題淵明

和九日韻

平生抱耿介四海寡朋交嗟其九日至頗覺顏  
髮凋無酒醒對菊風味乃更高誰識此時情白  
雲行遠霄地主有佳餉得二良已勞而我適  
後赴飲如沃焦永言大化內朽質非所陶惟有  
飲美酒一醉

和趙子俊秋日閑居

唐步殊蹒跚戶限久不逾若或繫維之愧彼  
駒倏然念平生我亦酷信書所得不償

此憂患俱飲水飯脫粟此意豈願餘貧實為我  
系舍貧將焉如堪嗟嗜利者死甘謚為愚  
九月忽已過霜薄陽光晞未漉頭上巾先典篋  
中衣時物尚有菊採掇頻爾稀對酒胡不飲坐  
看白日飛五勝更囚旺萬事誰是非且復進一  
觴酒盡情依二晚燥抱孤蕊無乃昧先幾

仲實韶甫見訪有詩奉和

重腿嫌卑濕那堪暑雨稠拋書事藥裹高枕聽  
溪河何用攄孤憤唯宜躄四休誰能訪生死天  
際有來舟

八三卷

八三

和趙君實宣慰

平生知我一季及別後牢關白版扉偶有客來  
孤鶴起也無人覺小舟歸從教俗子頻相惱只  
恐仙禽未肯飛莫恠近來書問絕醉眠林下兩  
忘機

鮮于伯幾

戊午十二月十二日別家

玄冬尚閉箴遊子或遠途出門少人跡霜露沾  
衣裾強顏辭老親低首戀蓬廬牽舟逆北風隨  
指哀僕夫十年賦倦遊卜築滄海隅既無官守  
責亦作飢寒馳宴坐固所懷淺此畏簡書仰慙  
隨陽鴈俯羨在藻魚

過桐廬漏港灘示舟人

驚湍激長灘百折怒未已篙師與水爭退尺進  
纜咫尺窮解衣下力排過乃止維時春冬交冰  
雪寒墮指我時臥舟中起視艖有泚迂踈一何  
補辛苦愧舟子

題董北苑山水

愛山不得山中住長日空吟憶山句偶然見此  
虛堂間頓覺還我滄洲趣陰厓絕壑雷雨黑蒼  
藤老木蛟龍怒岸石犖确溪澗濶知有人家入  
無路一重一掩深復深危橋古屋依雲林是十  
耳有避世者我欲徑去投冠簪源也世本膏粱  
子胸中丘壑有如此後來僅見僧臣然華鬘  
工氣難似想當解衣盤礴初意匠妙與造化俱

官湖祿飽日無事吮墨含毫時自娛誰憐  
百僚底雙鬚塵埃對此晷

范寬雪山圖

前山積雪深隱約形體具後山雪不到查牙頭  
角露遠近漫有千萬山一倚空含太素懸崖斷  
溜風滿壑野店閉門風倒樹店前二客欲安往  
一尚稍前一迴步仲冬胡為開此晷寒氣滿堂  
風景暮荆關以後世有人幾人能寫山水真李  
郭惜墨固自好晻靄但若浮空雲豈如寬也老  
筆奪造化蒼頑萬仞手可捫  
廬彭蠡鷹蕩窮

海垠江南山水固蕭洒敢與嵩高泰華爭雄尊  
寬也生長嵩華間下視庸史如埃塵亂離何處  
得此本張氏好事輕千緡我家汴水湄境與嵩  
華隣平生亦有山水僻愛而不見今十春他日  
思歸不可遏杖藜載酒來敲門

題趙模榻本蘭亭後

蘭亭化身千百億貞觀趙模推第一  
家聚訟謬紛紛正傳寧到山中石  
論書當論氣韻神誰與  
癡兒較形質想當填郭斷手初  
帝與歐虞皆亦息昭陵玉匣祕  
重泉自此中天無二日元寶

不及見却向蘇家評甲乙北山居士得何  
賺取寧論萬金直幾年僦屋客江海寶氣奎光  
夜相射南來北人多健者名也連艘金滿室應  
嗟我輩太癡絕常抱蠹書論得失

華鯨引

石上桐孫美如玉化作長鯨喚僧粥香嚴一擊  
六根開剝落皮毛換凡骨中郎却顧中散驚初  
非甕下鳴不平批鱗拔角就繩墨龍門綠綺瘖  
無聲昔聞北溟魚化作天池鵬今見橫海姿解  
作威鳳鳴蕭然敗棺材蠢尔牛闌撐龍騰虎變  
固有待不遇賞音徒尔靈君不見飯牛自賣亦  
何者逢時自致千秋名

赤烏行

木之用髹漆初以為美觀觀茲赤烏材乃知漆  
為木之九轉丹風雨霜露不能入所以遠歷晉魏  
猶堅完政如厚葵用珠玉能令血肉經千年凡物  
皆尚新惟翠獨求舊古人遺跡既已少近作吾  
無千歲木不斷生意雨暘猶相通及茲生意

盡發聲始與金石同巍二烏龍山岩壑秀且雄  
桐江在其南溟渤居其東長灘落深峽淮

巖峯子胥朝夕鼓餘怒子陵廟貌存高風托根  
於此豈復有凡木感化何讓龍門桐我本山林  
人奔走騁已翁何期造物私錫此哀吾窮涎或  
滅迹入深谷歌咏堯舜甘長終

建德溪行

山截溪將斷川迴路忽通鳥飛青嶂裏人語翠  
微中玄圃參差是桃源想像同平生苦行役翻  
愛打頭風

其二

碧水一千里青山十二時推篷皆是畫移棹捩  
堪詩樂此渾忘倦公馬遂及私舡頭有官醞時  
復一中之

遊智者寺

四圍松是祇園樹三面山開舍衛城遊子心隨  
仙境化老禪詩似石泉清幾人解后有今日半  
載越越成此行安得盡拋身外事長年來此學  
無生





